



ლანჩხუთის მუნიციპალიტეტის საკრებულო



ოქმი: 31.31221881

თარიღი: 07/07/2022

ლანჩხუთის მუნიციპალიტეტის საკრებულოს რიგგარეშე სხდომის ოქმი N11

ქ. ლანჩხუთი

04. 07. 2022 წელი

საკრებულოს სხდომას ესწრებოდნენ: ლანჩხუთის მუნიციპალიტეტის საკრებულოს თავმჯდომარე ბესიკ ტაბიძე, მუნიციპალიტეტის საკრებულოს თავმჯდომარის პირველი მოადგილე ემზარ თევდორაძე, მუნიციპალიტეტის საკრებულოს თავმჯდომარის მოადგილეები ვერიკო კვირკველია და გიორგი ჩახვაძე, საკრებულოს საფინანსო-საბიუჯეტო კომისიის თავმჯდომარე ალექსანდრე მახათაძე, საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის თავმჯდომარე ზაზა წულაძე, საკრებულოს სივრცით-ტერიტორიული დაგეგმარებისა და ინფრასტრუქტურის კომისიის თავმჯდომარე გიორგი იმნაიშვილი, საკრებულოს ფრაქცია „ქართული ოცნება-დემოკრატიული საქართველოს“ თავმჯდომარე ია მოქია, საკრებულოს წევრები (სარეგისტრაციო ფურცელი თან ერთვის), საკრებულოს აპარატის პირველი რანგის პირველადი სტრუქტურული ერთეულის ხელმძღვანელი (აპარატის უფროსი) ნინო ძიდიგური, საკრებულოს აპარატის მეორე რანგის მეორადი სტრუქტურული ერთეულის ხელმძღვანელი ნანა ბზეკალავა, საკრებულოს აპარატის მესამე რანგის პირველი კატეგორიის უფროსი სპეციალისტი ნუნუ სულავაძე, საკრებულოს აპარატის მესამე რანგის პირველი კატეგორიის უფროსი სპეციალისტი იურიდიულ საკითხებში რუსუდან გვარჯალაძე, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში ლაშა სარჯველაძე, საკრებულოს აპარატის მეოთხე რანგის პირველი კატეგორიის უმცროსი სპეციალისტი ცირა ბზეკალავა.

მოწვეული სტუმრები: მუნიციპალიტეტის მერიის იურიდიული სამსახურის უფროსი შოთა ჩაგუნავა, მერიის ქონების მართვისა და სოფლის მეურნეობის სამსახურის უფროსის მოვალეობის შემსრულებელი ომარ ჯანაძე.

საკრებულოს თავმჯდომარემ **ბესიკ ტაბიძემ** სოლიდარობა გამოუცხადა უკრაინელ ხალხს და მიმართა სხდომაზე მყოფთ წუთიერი დუმილით პატივი მიეგოთ ომში დაღუპული ადამიანების ხსოვნისთვის.

საკრებულოს თავმჯდომარემ **ბესიკ ტაბიძემ** აღნიშნა, რომ რიგგარეშე სხდომა მოწვეული იქნა მუნიციპალიტეტის მერის წინადადების საფუძველზე.

საკრებულოს თავმჯდომარემ **ბესიკ ტაბიძემ** სხდომას გააცნო დღის წესრიგი:

1. „ლანჩუთის მუნიციპალიტეტში ოჯახების სოციალურ-ეკონომიკური გაძლიერების მხარდაჭერის პროგრამის (ორგ. კოდი 02 11) განხორციელების შესახებ“ ლანჩუთის მუნიციპალიტეტის საკრებულოს დადგენილების დამტკიცების თაობაზე.

/მომხსენებელი შოთა ჩაგუნავა/

2. „ლანჩუთის მუნიციპალიტეტის საკუთრებაში არსებული წილის პირობიანი ელექტრონული აუქციონის ფორმით პრივატიზებისას მერისათვის თანხმობის მიცემის შესახებ“ ლანჩუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი ომარ ჯანაძე/

დღის წესრიგის პირველი საკითხი: „ლანჩუთის მუნიციპალიტეტში ოჯახების სოციალურ-ეკონომიკური გაძლიერების მხარდაჭერის პროგრამის (ორგ. კოდი 02 11) განხორციელების შესახებ“ ლანჩუთის მუნიციპალიტეტის საკრებულოს დადგენილების პროექტი სხდომას გააცნო მერიის იურიდიული სამსახურის უფროსმა **შოთა ჩაგუნავამ**. მისი განმარტებით, მერიაში განხორციელებული სტრუქტურული რეორგანიზაციიდან გამომდინარე (ამოქმედდა 2022 1 ივნისიდან) დადგენილებით განსაზღვრულ სამდივნოსა და საკონკურსო კომისიის შემადგენლობაში აუცილებელია მერიის სტრუქტურული ერთეულების დასახელებების ცვლილება. ასევე, პროგრამის მიზნებს დაემატა იმ ოჯახების სოციალურ-ეკონომიკური გაძლიერება, რომელთა მიმდინარე/სამომავლო საქმიანობა მიმართულია ადგილობრივი წარმოების ზრდის, აგროტურისტული პოტენციალის განვითარების, საოჯახო მეურნეობის გაფართოებისა და პოპულარიზაციისკენ; შესაბამისად შეიცვალა როგორც დადგენილების სათაური, ისე ცალკეული მუხლები. კერძოდ:

მუხლი 1. ზოგადი დებულებანი

ლანჩუთის მუნიციპალიტეტის ოჯახების სოციალურ-ეკონომიკური გაძლიერების მხარდაჭერის პროგრამის (შემდგომში - პროგრამა) განხორციელების წესი წარმოადგენს ლანჩუთის მუნიციპალიტეტის 2022 წლის ბიუჯეტში არსებული ლანჩუთის მუნიციპალიტეტის საბიუჯეტო პროგრამის, ორგ. კოდი 02 11) განხორციელების ძირითად საფუძველს და მარეგულირებელ აქტს.

მუხლი 2. პროგრამის მიზნები

პროგრამის მიზნებს წარმოადგენს:

ა) სოფლის მეურნეობის სექტორში დასაქმებული/თვითდასაქმებული ოჯახების (მათ შორის სასოფლო-სამეურნეო კოოპერატივის წევრები) მხარდაჭერა;

ბ) იმ ოჯახების სოციალურ-ეკონომიკური გაძლიერება, რომელთა მიმდინარე/სამომავლო საქმიანობა მიმართულია ადგილობრივი წარმოების ზრდის, აგროტურისტული პოტენციალის განვითარების, საოჯახო მეურნეობის გაფართოებისა და პოპულარიზაციისკენ;

გ) ადგილობრივ დონეზე გენდერული თანასწორობის პოლიტიკის გაძლიერების ხელშეწყობა, მათ შორის სოფლად მცხოვრებ ქალთა ეკონომიკური გაძლიერება და სოციალური ინკლუზიის ხელშეწყობა;

დ) დასაქმების ხელშეწყობა.

მუხლი 3. პროგრამის განხორციელების ძირითადი პრინციპები

პროგრამის განხორციელების ძირითადი პრინციპებია:

- ა) კანონიერება;
- ბ) თანასწორობა;
- გ) საჯაროობა;
- დ) მიუკერძოებლობა;
- ე) კოლეგიურობა;
- ვ) საჯარო და კერძო ინტერესების პროპორციულობა.

მუხლი 4. პროგრამის პარტნიორი

1. პროგრამის პარტნიორი შეიძლება იყოს ნებისმიერი ფიზიკური ან იურიდიული პირი:

- ა) ვისგანაც მუნიციპალიტეტს გააჩნია გრანტის მიღების უფლება;
- ბ) რომელიც არაფინანსურად მხარს უჭერს პროგრამის განხორციელებას.

მუხლი 5. პროგრამის საკოორდინაციო სამდივნო

1. პროგრამის საკოორდინაციო სამდივნო (შემდგომში - სამდივნო), წარმოადგენს ლანჩხუთის მუნიციპალიტეტის მერის (შემდგომში - მერი) სათათბირო ორგანოს, რომელიც იქმნება მერის ბრძანების საფუძველზე, პროგრამის კოორდინაციის, კონკურსის ორგანიზების, მონიტორინგისა და შეფასების მიზნით.

2. სამდივნოს შემადგენლობაში სავალდებულოდ და თანამდებობრივად შედიან:

- ა) საკრებულოს საფინანსო-საბიუჯეტო კომისიის წარმომადგენელი;
- ბ) საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის წარმომადგენელი;
- გ) საკრებულოს გენდერული თანასწორობის საბჭოს სამი წარმომადგენელი;
- დ) მერის მოადგილე;
- ე) მერიის ინფრასტრუქტურის, სივრცითი მოწყობისა და ეკონომიკის სამსახურის წარმომადგენელი;
- ვ) მერიის ადმინისტრაციული და სამართლებრივი უზრუნველყოფის სამსახურის სამართლებრივი უზრუნველყოფის განყოფილების წარმომადგენელი;
- ზ) მერიის საფინანსო-საბიუჯეტო სამსახურის წარმომადგენელი;
- თ) ადმინისტრაციული და სამართლებრივი უზრუნველყოფის სამსახურის წარმომადგენელი;
- ი) მერის სამოქალაქო მრჩეველთა საბჭოს წარმომადგენელი.

3. მერი უზრუნველყოფს სამდივნოში, სოფლის მეურნეობის, ტურიზმის და დასაქმების მიმართულებით მომუშავე საერთაშორისო/ადგილობრივი საზოგადოებრივი ორგანიზაციების წარმომადგენლების და თემატური ექსპერტების მონაწილეობას, მათი მიმართვის საფუძველზე.

4. სამდივნოს საქმიანობას ორგანიზებას უწევს და თავმჯდომარეობს მერის მოადგილე.

5. სამდივნოს საქმიანობის წესი, შემადგენლობა და სამდივნოს წევრთა შემადგენლობის ცვლილება მტკიცდება მერის ბრძანებით, პროგრამის ბენეფიციარების, სამიზნე მუნიციპალიტეტ(ებ)ისა და შესაბამისი პარტნიორი ორგანიზაცი(ებ)ის ცვლილების შესაბამისად.

მუხლი 6. პროგრამის საკონკურსო კომისია

1. პროგრამის ფარგლებში მიღებული განაცხადებიდან გამარჯვებული კანდიდატების შერჩევის მიზნით, იქმნება საკონკურსო კომისია (შემდგომში - კომისია).

2. კომისიის შემადგენლობას სამდივნოს წარდგინებით წელიწადში ერთხელ ამტკიცებს მერი.

3. კომისიის შემადგენლობა განისაზღვრება შემდეგი წესით:

ა) მერის მოადგილე;

ბ) საკრებულოს გენდერული თანასწორობის საბჭოს თავმჯდომარე;

გ) მერიის საფინანსო-საბიუჯეტო, ჯანმრთელობის დაცვისა და სოციალური სერვისების, განათლების, კულტურის, ძეგლთა დაცვის, ტურიზმის, სპორტისა და ახალგაზრდულ საქმეთა, ინფრასტრუქტურის, სივრცითი მოწყობისა და ეკონომიკის სამსახურების წარმომადგენლები;

დ) ა(ა)იპ სოფლის განვითარების სააგენტოს წარმომადგენელი;

ე) პროგრამის პარტნიორი ორგანიზაციების წარმომადგენლები;

ვ) ადგილობრივი არასამთავრობო ორგანიზაციის წარმომადგენელი.

მუხლი 7. პროგრამაში მონაწილეობის პირობები და პროგრამის ბენეფიციარი

1. პროგრამის ფარგლებში გამოცხადებული ბიზნეს იდეების კონკურსში მონაწილეობას იღებს ლანჩხუთის ტერიტორიაზე რეგისტრირებული:

ა) 18 წელს მიღწეული საქართველოს მოქალაქე, ფიზიკური პირი, რომელსაც პროექტის გამარჯვების შემთხვევაში წარმოეშობა ინდივიდუალურ მეწარმედ ან იურიდიულ პირად დარეგისტრირების ვალდებულება;

ბ) ინდივიდუალური მეწარმე;

გ) მეწარმე იურიდიული პირი.

2. ბიზნეს იდეის წარდგენა ასევე შეუძლია ფიზიკურ პირს, ინდივიდუალურ მეწარმეს ან/და მეწარმე იურიდიულ პირს, რომელიც არ არის ლანჩხუთის მუნიციპალიტეტის ტერიტორიაზე რეგისტრირებული, თუმცა, დაფინანსების შემთხვევაში, მის მიერ წარმოდგენილი საპროექტო განაცხადი სრულად

განხორციელდება ლანჩხუთის მუნიციპალიტეტის ტერიტორიაზე.

3. პროგრამის ბენეფიციარად (შემდგომში - ბენეფიციარი) ჩაითვლება ფიზიკური ან იურიდიული პირი, რომელიც გადალახავს პროგრამის ბიზნეს იდეების გადარჩევის ეტაპს ან/და გამარჯვებული პროექტის ავტორია.

4. პროგრამის ბენეფიციარი არ შეიძლება იყოს:

ა) საჯარო მოსამსახურე ან/და მისი ოჯახის წევრი (საჯარო დაწესებულებაში ინტერესთა შეუთავსებლობის შესახებ და კორუფციის შესახებ საქართველოს კანონის შესაბამისად);

ბ) პოლიტიკური თანამდებობის პირი ან/და მისი ოჯახის წევრი (საჯარო სამსახურის შესახებ საქართველოს კანონის შესაბამისად);

გ) ცენტრალური და ადგილობრივი ხელისუფლების ორგანოების მიერ ან/და მათი მონაწილეობით დაფუძნებული იურიდიულ პირებში დასაქმებული პირი ან/და მისი ოჯახის წევრი (საჯარო დაწესებულებაში ინტერესთა შეუთავსებლობის შესახებ და კორუფციის შესახებ საქართველოს კანონის შესაბამისად).

მუხლი 8. პროგრამის დაფინანსება

1. პროგრამის დაფინანსების წყაროა ლანჩხუთის მუნიციპალიტეტის 2022 წლის ბიუჯეტი (პროგრამული კოდი 02 11) და პარტნიორი ორგანიზაციიდან მოზიდული სახსრები, რომელიც უნდა შეადგენდეს პროგრამის საერთო ბიუჯეტის არანაკლებ 50%-ს.

2. პროგრამის დაფინანსების მიზნით პარტნიორი ორგანიზაციებისგან მოზიდული ნებისმიერი ფულადი მხარდაჭერა აისახება მუნიციპალიტეტის ბიუჯეტში.

3. მერი უფლებამოსილია პროგრამის განხორციელების წლის ბიუჯეტის პროექტში გაითვალისწინოს ან მოამზადოს საბიუჯეტო ცვლილების პროექტი მიმდინარე წლის ბიუჯეტში, სადაც გათვალისწინებული იქნება ხარჯები, პროგრამის საინფორმაციო კამპანიის და პროგრამის საგანმანათლებლო აქტივობების დასაფინანსებლად.

მუხლი 9. პროგრამის განხორციელების ეტაპები

1. პროგრამა მოიცავს განხორციელების შემდეგ ეტაპებს:

ა) ბიზნეს იდეების კონკურსის გამოცხადება;

ბ) ბიზნეს იდეების მიღება;

გ) ბიზნეს იდეების გადარჩევა;

დ) ბენეფიციარების გადამზადება;

ე) ბიზნეს გეგმების წარდგენა;

ვ) ბიზნეს გეგმების შეფასება;

ზ) გამარჯვებული პროექტების გამოცხადება;

თ) გამარჯვებული პროექტების დაფინანსება;

ი) გამარჯვებული პროექტების მიმდინარეობის მონიტორინგი;

კ) პროგრამის შეფასება.

მუხლი 10. კონკურსის გამოცხადება

1. ბიზნეს იდეების კონკურსს სამდივნოს წარდგინებით აცხადებს მერი, წინამდებარე დადგენილების გამოქვეყნებიდან არაუმეტეს 3 თვის ვადაში.

2. ბიზნეს იდეების წარმოსადგენად საჭირო ფორმა მტკიცდება ამ დადგენილების მე-2 მუხლის შესაბამისად.

მუხლი 11. ბიზნეს იდეების მიღება

1. ბიზნეს იდეები მიიღება კონკურსის გამოცხადებიდან ერთი თვის განმავლობაში, როგორც მატერიალური ასევე ელექტრონული ფორმით (მუნიციპალიტეტის ელ. ფოსტის მისამართი lanchkhuti@yahoo.com), და მას ენიჭება სპეციალური ნომერი.

2. სამდივნოს ხელმძღვანელის დავალებით, სამდივნოს ერთ-ერთი წევრს ეკისრება პასუხისმგებლობა, მიიღოს მუნიციპალიტეტის მერიის კანცელარიაში რეგისტრირებული განაცხადები და შემოსული განაცხადის ფორმის არასწორად/ არასრულად შევსების ან კონკურსის პირობებთან შეუსაბამო სხვა გარემოებების არსებობის შემთხვევაში, კონკურსანტებს აღმოუჩინოს შესაბამისი საინფორმაციო მხარდაჭერა და ხარვეზის აღმოსაფხვრელად განუსაზღვროს გონივრული ვადა, რომელიც საჭიროების შემთხვევაში შეიძლება გაგრძელდეს ბიზნეს იდეების მიღების დასრულებიდან არაუმეტეს ერთი კვირისა.

მუხლი 12. ბიზნეს იდეების გადარჩევა

1. ბიზნეს იდეების გადარჩევას უზრუნველყოფს პროგრამის სამდივნო კონკურსის დასრულებიდან ორი კვირის ვადაში.

2. ბიზნეს იდეების გადარჩევის ძირითადი კრიტერიუმებია:

ა) ბიზნეს იდეის ავტორი ლანჩხუთის მუნიციპალიტეტში რეგისტრირებული 18 წელს მიღწეული ფიზიკური პირია (მათ შორის, ინდივიდუალური მეწარმე);

ბ) ბიზნეს იდეის ავტორი 18 წელს მიღწეული ლანჩხუთის მუნიციპალიტეტში რეგისტრირებული იურიდიული პირი, რომლის წლიური ბრუნვა არ აღემატება 100 000 ლარს და ამასთან, წლიური ბრუნვა არ აღემატება 100 000 ლარს;

გ) ბიზნეს იდეის ავტორი ფიზიკური პირი, ინდივიდუალური მეწარმე ან/და მეწარმე იურიდიული პირია, რომელიც არ არის ლანჩხუთის მუნიციპალიტეტის ტერიტორიაზე რეგისტრირებული, თუმცა, დაფინანსების შემთხვევაში, მის მიერ წარმოდგენილი საპროექტო განაცხადი სრულად განხორციელდება ლანჩხუთის მუნიციპალიტეტის ტერიტორიაზე;

დ) ბიზნეს იდეა მოიცავს წარმოებას ან მომსახურების მიწოდებას, აგრარული, ტურისტული ან აგროტურისტული მიმართულებით, ლანჩხუთის მუნიციპალიტეტის ტერიტორიაზე ან ტერიტორიიდან;

ე) განაცხადით მოთხოვნილი თანხა არ აღემატება 15,000 ლარს;

ვ) იდეის ავტორი არ წარმოადგენს ამ დანართის მე-7 მუხლის, მე-3 პუნქტით

განსაზღვრულ პირს;

ზ) იდეის ავტორი არ არის რეგისტრირებული მოვალეთა რეესტრში;

თ) სრულად არის შევსებული ამ დადგენილების დანართით დამტკიცებული ბიზნეს იდეის ფორმა.

მუხლი 13. პროგრამის სასწავლო კომპონენტი

1. პროგრამის სასწავლო კომპონენტი უნდა მოიცავდეს შემდეგ ქვეკომპონენტებს: ბიზნეს გეგმის შედგენის, საგადასახადო დაბეგვრის რეჟიმების, ფინანსების, მარკეტინგის შესახებ, ადამიანის უფლებების და გენდერული თანასწორობის თემებს და სხვა რელევანტურ საკითხებს.

2. მუნიციპალიტეტის მერი უზრუნველყოფს სასწავლო მოდულის განხორციელებას ბენეფიციარებისთვის ბიზნეს იდეების გადარჩევის დასრულებიდან 3 კვირის ვადაში.

3. სასწავლო კურსის წარმატებით გავლა დასტურდება სერტიფიკატით. სერტიფიცირებულ ბენეფიციარებს უფლება აქვთ მონაწილეობა მიიღონ ბიზნეს გეგმების წარდგენის ეტაპზე.

4. სასწავლო პროგრამა შეიძლება განხორციელდეს პირისპირ, დისტანციურ ან ჰიბრიდულ ფორმატში. პროგრამის პირისპირ ფორმატში ჩატარების შემთხვევაში, მუნიციპალიტეტი ითვალისწინებს მონაწილეთა საჭიროებებს, მათ შორის უზრუნველყოფს ტრანსპორტირებას (ასეთის აუცილებლობის შემთხვევაში), მისაწვდომობას შშმ მონაწილეებისთვის უნივერსალური მისადაგების პრინციპზე დაყრდნობით.

მუხლი 14. ბიზნეს გეგმების წარდგენა

1. სასწავლო პროგრამის დასრულებიდან ორი კვირის ვადაში, ბენეფიციარები სამდივნოს წარუდგენენ ბიზნეს გეგმებს მატერიალური ან ელექტრონული ფორმით.

2. ბიზნეს გეგმები მიიღება მუნიციპალიტეტის კანცელარიაში და მას ენიჭება ინდივიდუალური ნომერი.

3. სამდივნოს ხელმძღვანელის დავალებით, სამდივნოს ერთ-ერთი წევრს ეკისრება პასუხისმგებლობა, მიიღოს მუნიციპალიტეტის მერიის კანცელარიაში რეგისტრირებული ბიზნეს გეგმები და მოამზადოს კომისიისთვის გადასაცემად.

მუხლი 15. ბიზნეს გეგმების შეფასება

1. ბიზნეს გეგმების შეფასებას უზრუნველყოფს პროგრამის საკონკურსო კომისია.

2. ბიზნეს გეგმების შეფასება შედგება ორი ეტაპისგან:

ა) ფორმალური შეფასება;

ბ) გასაუბრება.

3. გასაუბრების ეტაპი შესაძლებელია ასევე მოიცავდეს ადგილზე დათვალიერების შესაძლებლობას.

4. შეფასების მაქსიმალურ ქულათა რაოდენობა შეადგენს 100 ქულას, რომელიც

ნაწილდება შემდეგი წესით:

ა) ფორმალური შეფასება - მაქსიმალური ქულა 30;

ბ) გასაუბრება - მაქსიმალური ქულა 50;

გ) დამწყები ინდივიდუალური მეწარმე ან იურიდიული პირი - 4 ქულა (ენიჭება ავტომატურად);

დ) სასოფლო-სამეურნეო სტატუსის მქონე კოოპერატივი - 4 ქულა (ენიჭება ავტომატურად);

ე) ქალი განმცხადებელი - 4 ქულა (ენიჭება ავტომატურად);

ვ) მრავალშვილიანი ოჯახის (ოთხი და მეტი შვილი) წევრი - 4 ქულა (ენიჭება ავტომატურად);

ზ) შშმ ან საპენსიო ასაკს მიღწეული პირი განმცხადებელი - 4 ქულა (ენიჭება ავტომატურად);

5. ბიზნეს გეგმების შეფასების ფორმა მტკიცდება დანართი #3 -ის შესაბამისად.

მუხლი 16. გამარჯვებული პროექტების გამოცხადება

1. გამარჯვებული პროექტების შესახებ სარეკომენდაციო გადაწყვეტილებას იღებს და მერს წარუდგენს, საკონკურსო კომისია, შეფასების პროცესის დასრულებიდან 10 დღის ვადაში.

2. პროგრამის ფარგლებში დასაფინანსებელი პროექტების მინიმალური რაოდენობა უდრის პროგრამის განსაზღვრულ გარემოებებში გამოყოფილი თანხის მოცულობა (არ იანგარიშება სასწავლო და საინფორმაციო მხარდაჭერის კომპონენტებისთვის გამოყოფილი თანხა) გაყოფილი 15 000-ზე.

3. დასაფინანსებელი პროექტების რაოდენობის სულ მცირე ნახევარი განაწილება სარეიტინგო სიაში საუკეთესო შედეგების მქონე ქალ განმცხადებლებზე.

4. იმ შემთხვევაში თუ ამ მუხლის მე-3 ქვეპუნქტით განსაზღვრული პირობა ვერ სრულდება, დასაფინანსებელი პროექტების რაოდენობის ნახევარი ნაწილდება სარეიტინგო სიაში მყოფ საუკეთესო შედეგების მქონე კანდიდატებზე, დარჩენილი რაოდენობა კი ივსება სარეიტინგო სიაში მყოფი ქალი კანდიდატებით, მათი შედეგების რიგითობის გათვალისწინებით, რომელიც მინიმუმ უნდა შეადგენდეს მაქსიმალური შეფასების 50 პროცენტს.

5. საკონკურსო კომისიის ყველა წევრი ავსებს ამ დადგენილების #3 დანართით განსაზღვრულ შეფასების ფორმას და ყველა წევრის შეფასების ჯამური ქულის გათვალისწინებით დგება პროექტების რეიტინგული სია, საიდანაც გამარჯვებული პროექტები გამოცხადდება ამ მუხლის მე-2-მე-4 პუნქტებით განსაზღვრული წესების გათვალისწინებით.

6. გამარჯვებული პროექტის ავტორ ფიზიკურ პირს, გამარჯვებულად გამოცხადების მომენტიდან გონივრულ ვადაში, მაგრამ არანაკლებ 10 კალენდარულ დღეში, წარმოემოება ინდივიდუალურ მეწარმედ ან იურიდიულ პირად დარეგისტრირების ვალდებულება.

მუხლი 17. პროექტების დაფინანსების წესი

1. პროგრამის გამარჯვებული პროექტის ავტორსა და მუნიციპალიტეტს შორის ფორმდება ხელშეკრულება, რომელიც არეგულირებს მხარეთა შორის სამართლებრივ ურთიერთობებს და ითვალისწინებს გამარჯვებული ბენეფიციარის პასუხისმგებლობას ხელშეკრულების პირობების დარღვევის შემთხვევაში.
2. მიმდინარე წლის პროგრამის ფარგლებში ერთი ბენეფიციარისთვის შეიძლება დაფინანსდეს მხოლოდ ერთი პროექტი და დაფინანსების მოცულობა შეადგენს არაუმეტეს 15 000 ლარს.
3. კომისიის გადაწყვეტილებით ბენეფიციარის მიერ წარმოდგენილი ბიზნეს გეგმა შეიძლება დაფინანსდეს სრულად ან ნაწილობრივ.
4. ბიზნეს გეგმის ნაწილობრივ დაფინანსების გადაწყვეტილება კომისიის მიერ საჭიროებს წერილობით დასაბუთებას.
5. პროექტის დაფინანსებისთვის გადაცემული თანხის სრული ათვისება უნდა მოხდეს პროგრამის მიმდინარეობის წლის ბოლომდე. ათვისებელი თანხა რჩება მუნიციპალიტეტის ბიუჯეტში.
6. გამარჯვებული პროექტს ფინანსურად უზრუნველყოფს ლანჩხუთის მუნიციპალიტეტის მერია.

მუხლი 18. გამარჯვებული პროექტების მიმდინარეობის მონიტორინგი

1. სამდივნოს ხელმძღვანელი, მერის ბრძანებით, ბენეფიციარების მიერ მიღებული ფინანსური რესურსის ხარჯვის ეფექტურობისა და ეფექტიანობის შეფასების მიზნით, სამდივნოს წევრებისგან ქმნის სამუშაო ჯგუფს.
2. სამუშაო ჯგუფი ბიზნეს გეგმის დასაფინანსებლად გამოყოფილი თანხების ათვისების დაწყებიდან მისი სრულად ათვისებამდე პერიოდში, ბენეფიციართა საქმიანობის ეფექტიანობისა და ეფექტურობის მონიტორინგს ახორციელებს არანაკლებ 2-ჯერ.
3. მონიტორინგის ფორმები და მეთოდოლოგია მტკიცდება მერის ბრძანებით.

მუხლი 19. პროგრამის შეფასება

1. პროექტების მიმდინარეობის მონიტორინგის მასალებზე დაყრდნობით სამდივნო შეიმუშავებს და ამტკიცებს პროგრამის განხორციელების წლიურ ანგარიშს, რომელიც მოიცავს როგორც რაოდენობრივ (დასაქმებულთა ოდენობა, წლიური შემოსავლის ზრდა), ისე თვისობრივ მაჩვენებლებს.
2. პროგრამის განხორციელების წლიურ ანგარიშს საკრებულოს წარმოუდგენს სამდივნოს ხელმძღვანელი, არაუგვიანეს მუნიციპალიტეტის ბიუჯეტის შესრულების ანგარიშის წარდგენამდე.
3. საკრებულო ცნობად იღებს და აფასებს პროგრამის განხორციელების წლიურ ანგარიშს.

მუხლი 20. პროგრამის საინფორმაციო კამპანია

კონკურსის გამოცხადებამდე ორი კვირით ადრე სამდივნო შეიმუშავებს და მერი

ამტკიცებს პროგრამის საინფორმაციო კამპანიის და კომუნიკაციის გეგმას, რომელიც მოიცავს ინფორმაციას, განსახორციელებელი აქტივობების, მხარდამჭერი ორგანიზაციების, საკონტაქტო პირების, ვადებისა და შესრულების ინდიკატორების შესახებ.

მუხლი 21. პროგრამის განხორციელების გამჭვირვალობის სტანდარტები

1. სამდივნოს ხელმძღვანელი ვალდებულია პროგრამის მიმდინარეობის თითოეულ ეტაპზე უზრუნველყოს გამჭვირვალობის მაღალი სტანდარტი.

2. პროგრამის ფარგლებში პროაქტიულად უნდა გამოქვეყნდეს შემდეგი სახის ინფორმაცია:

ა) პროგრამის განხორციელების წესი;

ბ) შესაბამისი საბიუჯეტო პროგრამა;

გ) სამდივნოს საქმიანობის წესი და მისი შემადგენლობა;

დ) მერის ბრძანება კომისიის შექმნის შესახებ;

დე) პროგრამის საკომუნიკაციო სტრატეგია;

ვ) გამარჯვებული ბიზნეს გეგმების ჩამონათვალი;

ზ) პროგრამის შეფასების ანგარიში;

თ) პროგრამის ფარგლებში შექმნილი მეთოდოლოგიური მასალა და განაცხადების შაბლონები.

6. ინფორმაცია პროაქტიულად უნდა გამოქვეყნდეს იმგვარი ფორმით, რომ მისი გამოქვეყნების დროს დაცული იყოს ბენეფიციართა პერსონალური ინფორმაცია და კომერციული საიდუმლოება.

საკრებულოს წევრს **გიორგი გოგუაძეს** მიაჩნია, რომ წარმოდგენილი პროექტის მიხედვით არის გარკვეული შეზღუდვა, რაც ხელს შეუშლის ბენეფიციარების ჩართულობას. კერძოდ, ცენტრალური და ადგილობრივი ხელისუფლების ორგანოების მიერ ან/და მათი მონაწილეობით დაფუძნებული იურიდიულ პირებში დასაქმებული პირს ან/და მისი ოჯახის წევრს არ ეძლევა უფლება ისარგებლოს ამ პროგრამით. საკრებულოს წევრის თქმით, აღნიშნულთან დაკავშირებით, მერიის იურიდიული სამსახურის უფროსმა განმარტა, რომ ეს პროგრამა მოამზადა არა მუნიციპალიტეტის სამსახურმა, არამედ, ფინანსთა სამინისტრომ.

საკრებულოს წევრების მიერ დადგენილების პროექტთან დაკავშირებით სხვა შენიშვნები და წინადადებები არ გამოთქმულა.

საკრებულოს თავმჯდომარემ ბესიკ ტაბიძემ კენჭი უყარა დადგენილების პროექტს.

კენჭისყრას ესწრებოდა საკრებულოს 15 წევრი.

მომხრე საკრებულოს 15 წევრი, წინააღმდეგი არც ერთი.

მიღებულ იქნა დადგენილება N31 (04.07.2022)

დღის წესრიგის მეორე საკითხი: „ლანჩხუთის მუნიციპალიტეტის საკუთრებაში არსებული წილის პირობიანი ელექტრონული აუქციონის ფორმით

პრივატიზებისას მერისათვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააყენო მერიის ქონების მართვისა და სოფლის მეურნეობის სამსახურის უფროსის მოვალეობის შემსრულებელმა **ომარ ჯანაძემ**. მან აღნიშნა, რომ ლანჩხუთის მუნიციპალიტეტის საკრებულოს 2022 წლის 28 ივნისის N 43 განკარგულებით დამტკიცებულია ლანჩხუთის მუნიციპალიტეტის საკუთრებაში არსებული უძრავი, მოძრავი ქონების და არამატერიალურ ქონებრივ სიკეთეს მიკუთვნებული წილების და აქციების საპრივატიზაციო ობიექტების ნუსხისა და გეგმის დამტკიცების შესახებ, ლანჩხუთის მუნიციპალიტეტის საკრებულოს 2019 წლის 28 მარტის განკარგულებაში ცვლილება.

იგეგმება ლანჩხუთის მუნიციპალიტეტის საკუთრებად რეგისტრირებული შპს „ფეხბურთის კლუბი-ლანჩხუთის გურია“ - ს (ს/ნ 433651461) 100 %-იანი წილის პირობებით გასხვისება.

საქართველოს მთავრობის 2014 წლის 8 დეკემბრის N 669 დადგენილების მე-5 მუხლის პირველი პუნქტის თანახმად ელექტრონული აუქციონის ფორმით მუნიციპალიტეტის ქონების პრივატიზების შესახებ გადაწყვეტილებას იღებს მუნიციპალიტეტის აღმასრულებელი ორგანო, მუნიციპალიტეტის საკრებულოს მიერ დამტკიცებული მუნიციპალიტეტის „ქონების საპრივატიზაციო ობიექტების ნუსხისა და პრივატიზაციის გეგმის“ შესაბამისად, ხოლო ამავე დადგენილების მე-6 მუხლის მე-6 პუნქტის „ე“ ქვეპუნქტის თანახმად აუქციონის შესახებ ინფორმაცია უნდა შეიცავდეს ინფორმაციას უპირობო და გამოუხმობი საბანკო გარანტიის/ ბეს ოდენობის შესახებ, რომელიც უნდა შეადგენდეს საპრივატიზაციო ობიექტის საწყისი საპრივატიზებო საფასურის არანაკლებ 10% და არაუმეტეს 80 %-ს, ხოლო მე-6 მუხლის მე-6 პუნქტის „თ“ ქვეპუნქტის თანახმად აუქციონის შესახებ ინფორმაცია უნდა შეიცავდეს ბიჯის სიდიდეს.

წარმოდგენილია ლანჩხუთის მუნიციპალიტეტის მერიის ქონების მართვისა და სოფლის მეურნეობის სამსახურის მოსაზრება, აუქციონზე გასატანი ქონების - ლანჩხუთის მუნიციპალიტეტის საკუთრებად რეგისტრირებული შპს „ფეხბურთის კლუბი-ლანჩხუთის გურია“ - ს (ს/ნ 433651461) 100 %-იანი წილის საპრივატიზებო პირობები (დანართი N1), უპირობო და გამოუხმობი საბანკო გარანტიის/ ბეს ოდენობა (დანართი 2), ბიჯის სიდიდე (დანართი 3) და ლევან სამხარაულის სახელობის სასამართლო ექსპერტიზის ეროვნული ბიუროს დასკვნა (დანართი 4).

საკრებულოს წევრის **გიორგი გოგუაძის** აზრით, კარგია იმ დასკვნაზე შეჯერება, რომ საფეხბურთო კლუბი „ლანჩხუთის გურია“ უნდა მოხდეს კერძო სტრუქტურაში, მაგრამ ამასთან მიაჩნია, რომ აუქციონის პირობებში ჩადებულია სუსტი დამცავი მექანიზმი. წარმოდგენილ პროექტში ყველაფერი განსაზღვრულია 34000 ლარის გათვალისწინებით და არ ჩანს, რა პირობები იქნება ჩადებული ხელშეკრულებაში. გამოდის, რომ 34000 ლარად ყიდიან 450000 ლარს, რომელშიც შედის ფონდიდან გადმორიცხული 250000 ლარი და მუნიციპალიტეტის მიერ გამოყოფილი 200000 ლარი. საკრებულოს წევრის განცხადებით, თუ ხელშეკრულებაში არ იქნება გათვალისწინებული ის პირობა მაინც, რომ გუნდის ვალი, რომელიც შეადგენს 360000 ლარს, ინვესტორმა გადაიხადოს გაფორმებამდე ან მისი საგარანტიო მოიტანოს, ან სულაც წარმოადგინოს ყველა საგარანტიო, მაშინ ეს შექმნის გარკვეულ პრობლემას. ასევე, არაა გადმორიცხული, რომ ინვესტორმა დაკარგოს 34000 ლარი, მაგრამ მოიხმაროს გაცილებით დიდი ოდენობის თანხა. საბოლოოდ კი განაცხადოს უარი და შეწყვიტოს ხელშეკრულება.

კოლეგას დაეთანხმა საკრებულოს თავმჯდომარის პირველი მოადგილე **ემზარ**

თევდორაძე, რომელიც ასევე დაინტერესდა იმასთან დაკავშირებით, თუ რომელ თანხასთან მიმართებაში ითხოვენ გარანტიას. გარდა ამისა, რა ბერკეტი გააჩნიათ იმ შემთხვევაში, თუ ინვესტორი არ დახარჯავს განსაზღვრულ თანხას, რაზეც მერიის ქონების მართვისა და სოფლის მეურნეობის სამსახურის უფროსის მოვალეობის შემსრულებელმა განმარტა, რომ მოთხოვნა არის მიმდინარე წლის განმავლობაში გუნდის ვალის დაფარვასა და 200000 ლარის დახარჯვასთან დაკავშირებით. ამ პირობებით უნდა გამოცხადდეს აუქციონი, ხელშეკრულებას მოეწეროს ხელი და დარღვევის შემთხვევაში, ეტაპობრივად, დადგენილი წესის მიხედვით მოხდება რეაგირება.

მერიის იურიდიული სამსახურის უფროსმა **შოთა ჩაგუნავამ** საკრებულოს წევრებს შესთავაზა, რომ აუქციონის გამოცხადებამდე ქონების ეროვნულ სააგენტოსთან გაიარონ კონსულტაცია იმასთან დაკავშირებით, რომ თუკი არსებობს შესაძლებლობა, აუქციონის პირობებსა და ხელშეკრულებაში ჩაიწეროს მოთხოვნა საგარანტიოების წარმოდგენის თაობაზე.

საკრებულოს წევრების მიერ განკარგულების პროექტთან დაკავშირებით სხვა შენიშვნები და წინადადებები არ გამოთქმულა.

საკრებულოს თავმჯდომარემ ბესიკ ტაბიძემ კენჭი უყარა განკარგულების პროექტს.

**კენჭისყრას ესწრებოდა საკრებულოს 15 წევრი.
მომხრე საკრებულოს 15 წევრი, წინააღმდეგი არც ერთი.
მიღებულ იქნა განკარგულება N45 (04.07.2022)**

ამით საკრებულოს რიგგარეშე სხდომამ მუშაობა დაასრულა.

ბესიკ ტაბიძე










ლანჩხუთის მუნიციპალიტეტის საკრებულო-
საკრებულოს თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი



ლანჩხუთის მუნიციპალიტეტის საკრებულოს რიგგარეშე სხდომაზე საკრებულოს წევრთა
დასწრების სარეგისტრაციო ფურცელი

4 ივლისი 2022 წელი
12:00 საათი

№	სახელი, გვარი	გამოცხადების დრო	ხელმოწერა
1	ბესიკ ტაბიძე	11:00	
2	ემზარ თევდორაძე	11:45	
3	ვერიკო კვირკველია	11:45	
4	გიორგი ჩახვაძე	11:35	
5	გიორგი ხელაძე	—	
6	ალექსანდრე მახათაძე	11:25	
7	ზაზა წულაძე	11:40	
8	კარლო კვიტაიშვილი	—	
9	გიორგი იმნაიშვილი	11:35	
10	ია მოქია	11:50	
11	კახაბერ ასკურავა		
12	მაკა მშვიდლობაძე		
13	ვლადიმერ ნანაძე	11:00	
14	კარლო წილოსანი	11:50	
15	ლოლიტა ურუშაძე	11:55	
16	ნინო მშვიდლობაძე	11:50	
17	გოგი მორჩილაძე	11:25	
18	სპარტაკ კვაჭაძე	12:00	
19	გიორგი გოგუაძე	11:00	
20	გოჩა ჯანაშია		
21	ელისო ჭიჭინაძე	—	
22	რევაზ კვერენჩილაძე		
23	კახა თედორაძე	11:55	

24	დარეჯან ბურჭულაძე	—	
25	ირმა მგელაძე		
26	გივი ცინცაძე		
27	ჯუმბერ ბლაგიძე		